

Ո Ր Ո Շ ՈՒ Մ N 354/6
/վարչական տույժ նշանակելու մասին/

«26» դեկտեմբերի 2018թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ՝ Արմեն Գրիգորյանս, քննելով Ալեսսանդրո Վասսայի / անձն. YA760431, քաղաքացիություն՝ Իտալիայի Հանրապետություն/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Իտալիայի քաղաքացի Ալեսսանդրո Վասսայի անվամբ 22.10.2018 թվականի թիվ 05100034/221018/0000290495 մաքսային մուտքի օրդերով «Ժամանակավոր ներմուծում» մաքսային ընթացակարգով 30 օր ժամկետով ՀՀ տարածք է ներմուծվել HARLEY-DAVIDSON-FXDX մակնիշի, AE67592 պետհամարանիշի, 2013 թվականի արտադրության մոտոտրանսպորտային միջոց: Նշված մոտոտրանսպորտային միջոցի ժամանակավոր ներմուծման վերջնաժամկետը սահմանվել է մինչև 21.11.2018 թվականը, սակայն մինչ այդ ժամկետի ավարտը վերոնշյալ մոտոտրանսպորտային միջոց չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արևելյան մաքսատուն-վարչության Գոգավան-Պրիվոլնոյե մաքսային կետ-բաժնի պետի տեղակալի կողմից 23.11.2018 թվականին Ալեսսանդրո Վասսայի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ մոտոտրանսպորտային միջոցի սահմանահատումների վերաբերյալ տեղեկատվություն ստանալու նպատակով: Պատասխան գրությունից պարզվել է, որ HARLEY-DAVIDSON-FXDX մակնիշի, AE67592 պետհամարանիշի, 2013 թվականի արտադրության մոտոտրանսպորտային միջոցը 22.10.2018 թվականին Գոգավան-Պրիվոլնոյե մաքսային կետ-բաժնով ներմուծվել է ՀՀ, սակայն հետագա արտահանման պարտավորությունը չի

կատարվել: Միևնույն ժամանակ պարզվել է, որ Ալեսսանդրո Վասսան 23.10.2018 թվականին Հյուսիսային մաքսատուն-վարչության Բավրայի մաքսային կետ-բաժնով որպես հետիոտն մեկնել է ՀՀ-ից:

Նշանակվել է գործի քննություն 26.12.2018 թվականին ժամը 14:00-ին, վերջիս ծանուցվել է մաքսային մուտքի օրդերում նշված հասցեով:

Ալեսսանդրո Վասսայի նկատմամբ հարուցված մաքսային կանոնների խախտման վերաբերյալ գործը ՀՀ ՄՕ 219-րդ հոդվածի 2-րդ մասի համաձայն քննվել է նրա բացակայությամբ, քանի, որ վերջինիս գտնվել է Հայաստանի Հանրապետության սահմաններից դուրս:

Մոտոտրանսպորտային միջոցի մաքսային արժեքն՝ ըստ մաքսային մուտքի օրդերի կազմում է 1,451,400 ՀՀ դրամ, որի «Բաց թողնում՝ ներքին սպառման համար» մաքսային ընթացակարգով հայտարարագրման դեպքում կառաջանան մաքսային վճարներ 464,448 ՀՀ դրամի չափով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն

չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով: Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

Սույն դեպքով Ալեսսանրո Վասսան սահմանափակ ժամկետում չի դիմել մաքսային մարմիններին մոտոտրանսպորտային միջոցի ժամանակավոր ներմուծման ժամկետը երկարաձգելու խնդրանքով, չի ձևակերպել <<Մաքսային պահեստ>> մաքսային ընթացակարգով:

Այսպիսով վարչական մարմինը քննելով գործում առկա ապացույցները գտնում է, որ Ալեսսանդրո Վասսայի արարքում առկա է ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221 հոդվածով և վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար Իտալիայի քաղաքացի՝ Ալեսսանդրո Վասսային ենթարկել վարչական պատասխանատվության՝ տուգանելով 232,224 ՀՀ դրամի չափով:
2. Որոշման մասին հայտնել Ալեսսանդրո Վասսային:
3. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% և 900233586016՝ գումարի 30% (ՀՀ պետական բյուջե, կենտրոնական գանձապետարան, Արեվելյան մաքսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Ա. ԳՐԻԳՈՐՅԱՆ